



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: T09 0 KT 0211649 26
Sarajevo, 25.09.2026. godine

PRITVOR !

KANTONALNI SUD U SARAJEVU
Sudiji za prethodno saslušanje

Na osnovu člana 45. stav 2. tačka i), člana 241. st.1. ZKP-a F BiH, **p o d i ž e m:**

O P T U Ž N I C U

Protiv:

Hadžimešić Mirze, rođen 1993. godine, državljanin BiH, po nacionalnosti Bošnjak, nastanjen u ulici, sa završenom SSS, po zanimanju geodeta, nezaposlen, razveden, otac jednog mlđb. djeteta, lošeg imovnog stanja, JMB:, neosuđivan, **nalazi se u pritvoru po Rješenju o produženju pritvora Kantonalnog suda u Sarajevu od 31.07.2026. godine a koji pritvor može trajati do 30.09.2026. godine ili do druge odluke suda,**

Što je:

Dana 04.07.2026.godine oko 19:00 sati u Sarajevu, ulici Avdage Šahinagića do broja 8, Općina Stari Grad, iako svjestan da upotrebom hladnog oružja-noža drugog može usmrtiti, što je i htio, nakon što je M.H. rukom udario u glavu, njenog muža T.H. je oštricom noža ubo u lijevi dio trbušne šupljine, nakon čega je nožem ponovo zamahnuo prema T.H., u namjeri da ga ponovo ubode u gornji dio tijela, ali se tom prilikom T.H. izmaknuo, da bi ga potom istom oštricom noža ubo u nadlakticu desne ruke, pri tome govoreći mu da će ga ubiti, a T.H. u cilju da zaštiti svoje tijelo i izbjegne dalje napade nožem, počeo se ubrzano kretati oko putničkog motornog vozila marke WV Passat, dok je on držeći nož u ruci, i dalje trčao za T. u namjeri da ga ponovo ubode, a kada je supruga T.H. počela glasno da doziva upomoć i policiju, isti se trčecim korakom počeo udaljavati sa lica mjesta, da bi se u jednom momentu okrenuo, te ponovo sa nožem u ruci, krenuo prema T. u namjeri da ga napadne nožem, a koji napad je T. odvratio koristeći se dječjim kolicima koje je stavio ispred sebe, nakon čega se sa nožem trčecim korakom udaljio sa lica mjesta, dok su kod T.H. usljed uboda nožem nastupile teška tjelesna povreda u vidu ubodne rane lijeve bočne strane grudnog koša, sa kanalom koji se pruža, kroz donje međurebarne prostore do nivoa slezane i lahka tjelesna povreda u vidu rezne rane unutrašnje strane desne nadlaktice, a što u svom ukupnom povređivanju T.H. ima karakter obične teške tjelesne povrede,

Dakle, drugog pokušao usmrtiti,

Čime bi, počinio krivično djelo Ubistvo iz člana 166. stav 1. KZ F BiH u vezi sa članom 28. KZFBiH.

P r e d l a ž e m

- 1. U smislu člana 151. stav 1. ZKP-a FBiH podnosim:**

PRIJEDLOG ZA PRODUŽENJE PRITVORA OSUMNJIČENOM NAKON POTVRĐIVANJA OPTUŽNICE

zbog postojanja osnovane sumnje da je osumnjičeni počinio krivično djelo Ubistvo iz člana 166. stav 1. u vezi sa članom 28. KZFBiH, sa prijedlogom da Kantonalni sud u Sarajevu prema osumnjičenom Hadžimešić Mirzi produži mjeru pritvora u trajanju od 2 (dva) mjeseca zbog posebnih pritvorskih razloga iz člana 146. stav 1. tačka c) ZKP F BiH.

TUŽILAC

Kantonalno tužilaštvo Kantona Sarajevo